




Literatura den Bon Dia

Ernesto E. Rosenstand



E SOMBRA DEN NAN EXISTENCIA

Bon, esei mes nos tres parehanan a haci. Algun luna despues di a caba e curso nan a casa. Algun biaha nan a bin cu e idea pa nan casa mesun dia, ma nunca e idea aki a concretisa. Nan tres a casa tras di otro den un periodo masha cortico mes. Nan a bai bruid di otro ma poco poco e contacto a para bira menos. Na cuminsamento nan a bishita otro un ke otro biaha, ma poco poco esaki a para bira menos. Cada pareha a coi su rumbo busca manera di haci di nan matrimonio lo miho posibel. Nan tur tabatin e mesun bon intencion. Logra den bida casa. Cu algun di nan esei tabata parce cu lo bai tin exito. E cuminsamento a bai bon ta despues asuntonan a cuminsa complica.

Otro ya di cuminsamento cos no a cuminsa manera mester ta. Nan a bin experiencia cu no ta tur cos cu nan a tende den e curso ta aplicabel den bida di tur dia. Atrobe a keda demostra cu teoria ta completamente otro cu practica. Beto cu Sandra nan cuminsamento di nan bida casa tabata hopi bon. Nada di keha. Nan tabata hopi felis. Ya cu nan a purba haci tur loke nan a siña durante e curso. No por a ripara ningun nubia den nan bida di tur dia. Pa hendenan cu tabata mira nan nan tabata haya cu nan tabata un pareha ideal. Tur ora bai bo tabata mira nan hunto. Nan tabata duna bo e impresion di un pareha namora. Nan no tabata uno cu tabata pasa nan bida cera den cas. Ki ora nan haya un chens nan tabata busca manera di sali. Nan tabata gosa nan bida casa. Nan tabatin nan libertad pa por a haci esaki. Regularmente nan tabata bishita nan amigonan. Tur dos tabatin basta amigo. Esei dor di cu tur dos tabatin un caracter asina bon, nan tabatin masha hopi. Y dor di esei cu nan tabata sa bishita otro masha hopi mes. E relacion entre nan amigo por a bisa cu tabata bon. Y bentaha cu nan tabatin tabata cu nan no mester a busca cas pa bai biba. Nan no tabatin ningun problema cu hayamento di cas. Pasobra asina nan a casa Beto a bai biba cu Sandra den e apartamento di esaki. E tabata uno net pa nan dos. E idea no tabata malo. E apartamento no tabata di e chikito ei. Y pa nan dos e tabata net bon. E tabata bon situa tambe, esei tabata tambe un ventaha grandi cu e tabatin. Bo por a bisa cu e tabata net bon pa un pareha cu ta cuminsa. Pues esei nan a haci. Beto a bai biba den e apartamento di Sandra. Di e manera ei nan a elimina e huur cu Beto

tabata paga pa su apartamento. Di e manera ei nan lo spaar hopi. Huur di apartamento awendia ta hopi caro. Y no ta tur ora bo ta haya loke bo kier. Pues nan lo biba pa un tempo aki y despue di a spaar nan lo por cuminsa traha nan mes cas. Y nan no tin tampoco di bai fia placa pa haci esaki. Pasobra tur dos tabata cana cu e idea cu lo mas pronto posibel nan lo bai busca manera pa nan bin na nan mes cas. Pasobra huurmento di cas no ta cumbini. Bo ta paga cantidad di placa y na final di cuenta bo no ta keda cu nada. Nan a cuminsa gosa di nan bida casa. Sali aki bai aya. Fiesta aki, fiesta aya! Dor di cu nan tabatin hopi amigo nan bida no tabata di e monotono ei. Loke Beto tabata gosa un mundo. Casi tur fin di siman nan tabatin un ke otro fiesta pa bai. Y si esei no tabata e caso nan tabatin nan cos di haci. Pues nan no tabata fada nan curpa. Nan tabata bishita otro frecuentemente. Y organisa fiestanan unda nan tabata pasa bon. Pues cosnan tabata marcha bon den nan bida casa. Y di nan bida sexual nan no tabatin nada di keha. E preparacion prome cu les a yuda hopi. Nan a bin siña cosnan cu nan no tabata sa. Y durante e lesnan varios cos tambe cu no tabata mucho cla a keda aclarea. Loke si no a keda resolbi tabata asunto di hayamento di yiu. Beto no kier a tende mes di esaki. Maske cuanto Sandra a purba pa convence e no a logra. Beto no kier a tende mes di e asunto aki. Esei si cu tabata un sombra scur den nan bida di hende casa. Y pa complace Sandra a dicidi di bai usa “de pil”. Asina ei nan lo no bai tin problemna nan den bida sexual. Esaki por a sigui normalmente y di e manera aki e tabata sintie mas sigur. E por a gosa di esaki mescos cu tur otro hende mohe casa. Y Beto no mester a preocupa cu e lo a sali na estado. Pues esei lo percura pa nan practica sex di un manera safe. Y nan por a hiba nan bida sexual sin ningun riesgo. Di e manera aki el a tene Beto pa hopi tempo contento. Y e tabata evita pa trece asunto di yiu dilanti. Den nan cas asunto di yiu tabata un tema tabu cu cueste loke cueste mester a evita. Tur cos tabata marcha bon te cu riba un dia, e no sa di con, el a lubida di bebe e pildora ei. El a spera cu esei lo no bai tin ningun consecuencia, ma esei no tabata e caso. Pa su mala suerte el a sali na estado. Ora el a haya sa con leu e ta di un banda e tabata hopi contento di otro banda no. Un miedo panico a drent'e. E no tabata sa con bisa Beto. E tabata sa masha bon cu asina Beto tende esaki e lo explota. E tabata sa masha bon cu Beto lo no acepta e criatura.

PENSAMENTO DI UN PENSAMENTO

Nos pensamiento pa awe ta uno di Lao tse.

El a yega di bisa:

ESUNNAN CU SA NO TA PAPIA, ESUNNAN CU TA PAPIA NO SA.

Nos tur conoce nan.

Esunnan cu semper sa miho.

Esunnan cu semper kier tin e delaster palabra.

Hopi ta papia oranan largo sin bisa nada. Hopi hende gusta tende nan stem.

Un hende cu sa de ke se trata no ta papia hopi.

Esun cu no sa mucho ta purba papia di mas.

ESUNNAN CU SA NO TA PAPIA, ESUNNAN CU TA PAPIA NO SA.


BON DIA *Aruba*

**MANTENE
ARUBA LIMPI**



tirando bo
sushi den
bari.

Danki di antemano



Literatura den Bon Dia

Ernesto E. Rosenstand



Refrescando nos Papiamento

YORA

Yora ta un verbo cu varios nificacion.

YORA...saca lagrima
roga

USO

E mucha ta yora.

Yora docter pa e bin cas.

Roga docter pa e bin cas.

EXPRESIONNAN

Yora malai.

Yora sanguer

Ta co'l yora

Miho un yiu yora cu un mama yora.

Yora hopi

Ta hopi grave.

PALABRANAN

Ernesto E. Rosenstand

Desapareciendo

Idioma ta dinamico.
Constantemente e ta cambia.
Palabranan ta desapareciendo.
Otronan ta dreña.
Esei mes ta haci cu e ta biba.
No usa palabra nobo sin tin
mester. Un palabra cu ta
desapareciendo ta:

PICHA
E ta nifica:
HORTA

Ban purba recupera algun di e
palabranan aki.

Nos Cultura

**BAN USA CORECTAMENTE NOS
IDIOMA** Den e frase aki tin un falta,

**UN SALIDA PA HOPI CIUDADANO DI
MEDIO CLASE.**

UNDA E FALTA TA?

E falta ta cometi contra uso di un
palabra.

Den e caso aki e palabra medio clase.
Na luga di medio clase nos mester bisa,
clase media.

Medio clase no ta sisti.

E frase corecto lo mester a bira:

**UN SALIDA PA HOPI CIUDADANO DI
CLASE MEDIA.**

Ban pone mas atencion riba uso di nos
idioma.

Donkey Sanctuary Aruba

After the introduction of the automobile the Donkeys were set free. Because many of them lost their habitat, (housing projects all over the island, heavy traffic), mistreatment and ignorance, the Aruban Donkey today is at the edge of extinction.

There are 25 volunteers who take care of the wounded, mistreated and neglected Donkeys.

April 14, 1997 the foundation "Save our Donkey" was established. We started by gathering 13 Donkeys who continuously crossed the main road at Pos Chiquito. Endangering the heavy traffic and themselves.

Come spend some time with us.
There are guides present who would enjoy;

- * Telling you about the history of the Donkeys in Aruba
- * Showing you around
- * Answering your questions

We are located in Santa Lucia.

Turn to the right at "Ayo Rock Formations"
and after half a mile you will find the
sanctuary on your left.

Open every day. For opening hours please call 5841063 - 5884091 - 9656986 - 9648221
Check our website at: www.arubandonkey.org

